



EXECUTIVE ORDER (TXOJ CAI YUAM) #82


**Txuam Nrog Kev Plov Meej Txog Kev Kub Ntxhov Rau Pej Xeem Huab
Hwm Txoj Kev Noj Qab Haus Huv**

XWS LI, tus kab mob kis thoob teb chaws COVID-19 tau puas raug cov pej xeem Wisconsin lub neeg thoob plaws hauv lub xeev;

XWS LI, txawm cov pej xeem Wisconsin zib zog ua hauj lwm npaum li cas kom txo kev sib kis tus kab mob COVID-19 qeeb, los cov ntaub ntawv tshawb fawb pom muaj kev sib kis tshiab thiab tsim nyog txhawj xeeb heev;

XWS LI, raws li Department of Health Services (Tuam Tsev Tswj Xyuas Kev Noj Qab Haus Huv) sau ua ke tau cov ntaub ntawv tshawb fawb, lub Xeev Wisconsin pom muaj cov neeg coob tshaj ntxiv mob COVID-19 thoob plaws hauv lub xeev, uas 61 lub ntawm 72 lub cheeb koog (counties) (84 feem pua) uas yog 96 feem pua ntawm cov pej xeem hauv lub xeev ntsib tus kab mob COVID-19 ceev;


XWS LI, qhov no nce siab ceev rau Wisconsin txij li thaum lub Rau Hli Ntuj, uas tsuas muaj 15 lub ntawm 72 lub cheeb koog (21%) ntsib tus kab mob COVID-19 ceev, raws li cim qhia ntawm cov duab kos nram no:



XWS LI, thaum lub Rau Hli Ntuj Hnub tim 1, 2020, muaj 18,543 tus neeg kis tau tus kab mob COVID-19 nyob rau hauv Wisconsin; thaum lub Xya Hli Ntuj Hnub tim 1, 2020, muaj 29,199 tus neeg kis tau tus kab mob COVID-19, uas yog nce 57 feem pua txij thaum lub Rau Hli Ntuj Hnub tim 1; thiab thaum lub Xya Hli Ntuj Hnub tim 29, 2020, muaj 51,049 tus neeg kis tau tus kab mob COVID-19, uas yog nce lawm 75 feem pua txij thaum lub Xya Hli Ntuj Hnub tim 1;

XWS LI, Cov pej xeem Wisconsin yeej tau “bent the curve (nkhaus kab nkoov)” thaum lub Tsib Hlis Ntuj, tiam sis rov nce siab ceev vim yog muaj cov neeg tshiab mob COVID-19 coob ceev, nrog rau 43 feem pua ntawm tag nrho Wisconsin cov neeg mob COVID-19 uas tshwm sim pib thaum lub Xya Hli Ntuj Hnub tim 1:

New confirmed COVID-19 cases by date confirmed, and 7-day average
Updated: 7/28/2020



XWS LI, tus zauv nruab nrab teev txog cov neeg tshiab mob COVID-19 tau nce siab ceev hauv lub Xya Hli Ntuj, uas yog muaj 556 tus neeg tshiab mob yog qhov nruab nrab rau thaum lub Xya Hli Ntuj Hnub tim 1-7, uas muaj 764 tus neeg tshiab mob yog qhov nruab nrab rau ib hnub twg thaum lub Xya Hli Ntuj Hnub tim 8-14 (nce lawm 37 feem pua ntawm lub lim tiam dhau los), muaj 890 tus neeg mob tshiab yog qhov nruab nrab rau ib hnub twg thaum lub Xya Hli Ntuj Hnub tim 15-21 (nce lawm 16 feem pua ntawm lub tim tiam dhau los), thiab muaj 938 tus neeg mob tshiab yog qhov nruab nrab rau ib hnub twg hauv lub Xya Hli Ntuj Hnub tim 22-26 (nce lawm 5 feem pua ntawm lub lim tiam dhau los);

XWS LI, hauv ib tsab ntawv ceeb toom thaum lub Xya Hli Ntuj Hnub tim 26, 2020, tus Hau Teb Chaws President Pab Neeg Tawm Tsam Tus Kab Mob COVID-19 pom tias xeev Wisconsin nyob rau “red zone (qib liab)”, nrog 21 lwm lub xeev uas muaj kev kis tus kab mob COVID-19 coob ceev, tswj tsis tau;

XWS LI, tsoom fwm teb chaws tsab ntawv ceeb toom teev tias txoj kev muaj neeg mob coob ntxiv “yeej tseem yog muaj mob coob ntxiv hauv Milwaukee thiab Green Bay [cov cheeb tsam chaw tseeb uas ntsuas], tiam sis puav leej muaj mob coob ntxiv rau hauv ntau cov cheeb koog thoob plaws hauv lub xeev, xws li sab hnub poob (Trempealeau, Pepin) thiab qaum xeev sab hnub poob (Iron County)”;

XWS LI, vim muaj cov neeg mob COVID-19 coob ntxiv, puav leej muaj kev ntxhov heev dua nyob rau hauv peb txoj kev kho kab mob kev nkeeg, vim muaj neeg mob coob ntxiv tuaj pw kho thiab muaj neeg mob ntxiv rau hauv cov chav kho mob nruj;

XWS LI, cov neeg tuag los ntawm tus kab mob COVID-19 tau nce siab ceev thiab; txij li thawj tus neeg tuag thaum lub Peb Hlis Ntuj los mus txog rau lub Rau Hli Ntuj Hnub tim 1, 595 tus pej xeem Wisconsin tau tas sim neej, thiab txij thaum lub Xya Hli Ntuj Hnub tim 29, 911 tus neeg tau tas sim neej;

XWS LI, txoj kev neeg tuag coob ntxiv yog ib txoj kev qhia tau tias muaj kab mob ntxhov ntxiv; neeg tuag coob ntxiv hauv ob lub lim tiam dhau yog nce lawm 1.9 zaus rau thawj ob lub lim tiam hauv lub Xya Hli Ntuj, ib txoj kev ntsuas cov neeg tuag nce ceev;

XWS LI, Centers for Disease Control (Cov Chaw Tswj Kab Mob) tau ntsuas pom tias vim Wisconsin muaj txoj kev kis kab mob coob ntxiv, yuav muaj neeg tuag coob ntxiv thiab yuav tuag txog 1,800 tus neeg rau thaum lub caij nplooj ntoos zeeg;

XWS LI, cov kab mob kis thoob ntiaj teb los ua tej vuag kev kis kab mob nce thiab nqis; vim tus kab mob COVID-19 yog ib tug kab mob tshiab txawv thiab tsuas muaj tsawg tsawg txoj kev kho thiab ua hauj lwm thiab tsis tau muaj cov tshuaj txhaj tiv thaiv txoj kev sib kis tus kab mob, yuav tau muaj cov tswv yim tiv thaiv thaum cov caij nws nce;

XWS LI, feem coob cov neeg hauv Wisconsin tam sim no tab tom ntsib tus kab ceev, qee cov muaj kev tswj tsis tau txoj kev sib kis tus kab, thiab tsis muaj txoj kev tiv thaiv ceev, yuav muaj kev tswj tsis tau txoj kev sib kis tus kab mob COVID-19 thoob plaws lub xeev, uas yuav rais mus muaj kev mob loj heev los sis kev tuag, tsim hauj lwm nyhav heev rau peb cov chaw kho kab mob kev nkeeg, txwv cov tsev kawm ntawv kom rov qhib tau txhij txhua, thiab yuav txov txoj kev ruaj ntsseg ntawm peb cov lag luam kev khwv noj khwv haus; thiab

XWS LI, kom tiv thaiv tau txoj kev noj qab haus huv thiab kev noj qab nyob zoo ntawm nws cov pej xeem, thiab ceev tau txoj kev lag luam khwv noj khwv haus kom vam meej, Wisconsin yuav tsum qhib txais tos txhua hom kev pab uas nws tu ncuva los tawm tsam thiab tswj tus kab mob COVID-19.

TAM SIM NO MUS, YOG LI, KUV TONY EVERS, Hau Xeev Governor ntawm lub Xeev Wisconsin, raws li txoj cai kuv muaj los ntawm Constitution (Tus Txhooj Cai) thiab cov cai hauv lub xeev no, thiab tshwj xeeb yog Cov Ntu 321.39, 323.10, 323.12 thiab 323.12 hauv Wisconsin Statutes (Cov Cai), ntawm no:

1. Plov meej tias muaj txoj kev kub ntxhov rau pej xeem huab kwm txoj kev noj qab haus huv, raws li txhais los ntawm Ntu 323.02(16) hauv Wisconsin Statutes (Cov Cai), teev muaj rau Xeev Wisconsin.
2. Xaiv Department of Health Services (Tuam Tsev Tswj Xyuas Kev Noj Qab Haus Huv) los ua lub koom haum coj kev tawm tsam txoj kev kub ntxhov rau pej xeem huab hwm txoj kev noj qab haus huv thiab coj lub Tuam Tsev mus ua txhua yam tsim nyog thiab hauj sim los tiv thaiv thiab tawm tsam tus kab mob COVID-19.
3. Mub kev tso cai rau tus Adjutant General (Thawj Tswj Ceev Xwm) qhib Wisconsin National Guard (Chaw Saib Tiv Thaiv Teb Chaws) kom ua hauj lwm li tsim nyog thiab hauj sim los pab txhawb lub Xeev txoj kev kub ntxhov rau pej xeem huab hwm txoj kev noj qab haus huv, xws li muab kev pab txhawb rau cov neeg khiav dej num thaum Yim Hli Ntuj Hnub Tim 11 kev xaiv tsa thiab cov neeg khiav dej num ntawm cov chaw ntsuas kab mob rau zej zog neeg thoob plaws hauv Wisconsin.
4. Cob kom tag nrho cov koom haum khiav dej num hauv lub xeev pab txhawb raws li tsim nyog rau lub Xeev txoj kev tawm tsam txoj kev kub ntxhov rau pej xeem huab hwm txoj kev noj qab haus huv.
5. Raws li Ntu 323.10 hauv Wisconsin Statutes (Cov Cai), Txoj Kev Kub Ntxhov Rau Pej xeem Huab Hwm Txoj Kev Noj Qab Haus Huv no yuav kav mus txog 60 hnub, los sis tus Hau Xeev Governor rho tawm los yog muaj kev sib koom daws teeb meem los ntawm Xeev Wisconsin Fab Nom Tswv Legislature.

NYOB RAU TXOJ KEV TEEV TAUM LUS TIAS, ntawm no kuv nias tes thiab nias lub Thwj Xeev Wisconsin ruaj rau. Ua tiav nyob ntawm (Capitol) Tseem Fwv Tsev Hauj Lwm hauv Nroog Madison rau hnub kaum peb hauv lub Xya Hli Ntuj thaum xyoo ob phav nees nkaum.

TONY EVERS
Hau Xeev Governor

Los ntawm tus Hau Xeev Governor:

DOUGLAS LA FOLLETTE
Neeg Lis Ntaub Ntawv Hauv Xeev